



ԽԱՂԱՂՈՒԹՅԱՆ ՊԱՅՔԱՐԻ ԾԱԿԱՏՈՒՄ

ՀԱՆՈՒՆ ԵՎՐՈՊԱՅԻ ԲՈԼՈՐ ՊԵՏՈՒԹՅՈՒՆՆԵՐԻ
ՀԱՄԱԳՈՐԾԱԿՑՈՒԹՅԱՆ ԱՊԱՀՈՎՄԱՆ՝ ՆՐԱՆՑ ԸՆԴՀԱՆՈՒՐ
ԱՆՎՏԱՆԳՈՒԹՅՈՒՆԸ ԿԱԶՄԱԿԵՐՊԵԼՈՒ ՆՊԱՏԱԿՈՎ

ԽԱՂԱՂՈՒԹՅԱՆ ՀԱՄԱՇԽԱՐՀԱՅԻՆ ԽՈՐՀՐԴԻ ԴԻՄՈՒՄԸ
ԱՇԽԱՐՀԻ ԺՈՂՈՎՈՒՐԴՆԵՐԻՆ

ՍՏՈՎԶՈՒՄ, 24 նոյեմբերի (ՏԱՍՍ).— Խաղաղության Համաշխարհային Խորհրդի սեփական ընդունեց աշխարհի ժողովուրդներին ուղղված դիմում: Դիմումի մեջ ասվում է.

«Մինչդեռ Կորեայում ու Հնդկաչինում պատերազմի ավարտումը և «եվրոպական պաշտպանական միավորման» նախագծի մերժումը ամբողջ աշխարհին տվեցին պետություններին պառակտող վեճերը վերացնելու հույս, Լոնդոնի ու Փարիզի համաձայնագրերը ժողովուրդներին կանգնեցնում են ահեղ վտանգի առջև, որ նրանցից յուրաքանչյուրի համար նշանակում է ավերմատի վերածնունդ: Մինչդեռ արվել են նոր առաջարկներ, որոնց իրագործումը կարող է ապահովել Գերմանիայի միավորումը, Լոնդոնի ու Փարիզի համաձայնագրերի իրագործումը ծանր հարված կհասցնեք գերմանական ժողովրդի դեմոկրատական ու ազգային ուժերին, կրորդորքեր գերմանական միլիտարիզմի հավակնությունները և կօրինականացնեք Գերմանիայի ու Եվրոպայի պառակտումը:

Մինչդեռ զինաթափման և մասսայական ունչացման զենքի արգելման հուզիչ հարցի շուրջը ՄԱԿ-ում ձեռք բերված պրոգրեսը ամրապնդում է խաղաղության հույսերը, Լոնդոնի ու Փարիզի համաձայնագրերի իրագործումը կհանգեցնեք սպառազինությունների

րի նոր մրցավազքի, որի բնույթը շուտով անտանելի կդառնար բոլորի համար:

Պաշտպանությունների կողմից այդ համաձայնագրերի վավերացումը ոչ միայն չէր պահպանի բանակցությունների հնարավորությունը, այլև կստեղծեր եվրոպայի ու ամբողջ աշխարհի խաղաղության համար նոր վտանգների հղի դրություն:

Ժողովուրդները այսպիսով կանգնեցվել են դրամատիկ երկընտրանքի առջև. կա՞մ բանակցություններ, որոնք կարող են պահպանել խելացի համաձայնությանը, կա՞մ էլ կամայականության ահտ, այսինքն Արևմտյան Գերմանիայի վերադիմումը և նրան ուղղված պակտի մեջ մտցնելը, որը կարող է ունչի հավասարեցնել միջազգային լարվածության թուլացումը:

Ժողովուրդները պետք է դիմադրեն Լոնդոնի ու Փարիզի համաձայնագրերի վավերացմանը:

Ժողովուրդները պետք է պահանջեն անհապաղ բանակցությունների սկսել շուրջ տեղությունների միջև՝ ազատ ընտրությունների միջոցով Գերմանիան վերամիավորելու, ինչպես նաև Ավստրիայի հետ պետական պայմանագիր կնքելու նպատակով:

Ժողովուրդները պետք է պահանջեն անհապաղ բանակցությունների սկսել բոլոր եվրոպական պետությունների միջև՝ անկախ նրանց հասարակարգից, նպատակ ունենա-

լով ապահովել նրանց անվտանգությունը և ընդհանուր բարգավաճումը նրանց բոլորի համագործակցության միջոցով:

Ոչ մի կառավարություն, ոչ մի պառլամենտ իրավասու չեն տնօրինելու ժողովրդի բախտը՝ նրա կամքին հակառակ: Ժողովուրդները թույլ չեն տա, որ անողորմ ինքնակառավարի:

Նրանք թույլ չեն տա Գերմանիայի վերականգնման իրագործումը և իրենց համատեղ

գործողություններով ուղի կբացեն Եվրոպայի անվտանգության և ամբողջ աշխարհի խաղաղության համար:

ԽԱՂԱՂՈՒԹՅԱՆ

ՀԱՄԱՇԽԱՐՀԱՑԻՆ ԽՈՐՀՈՒՐԴ

Ստոկհոլմ, 23 նոյեմբերի 1954 թվականին:

(Երևան, «ՍՈՎԵՏԱԿԱՆ ՀԱՅԱՍՏԱՆ»
օրաթերթ, 26 նոյեմբերի 1954 թ.)

ԽԱՂԱՂՈՒԹՅԱՆ ՀԱՄԱՇԽԱՐՀԱՑԻՆ ԽՈՐՀՈՒՐԴԻ ՍԵՍԻԱՅԻ ԸՆԴՈՒՆԱԾ ԲԱՆԱԶԵՎԵՐԸ

**ԶԻՆԱԹԱՓՄԱՆ ՀԱՄԱՐ և ՄԱՍՍԱՅԱԿԱՆ ՈՋՆՋԱՑՄԱՆ ԶԵՆՔԻ ԱՐԳԵԼՄԱՆ
ՀԱՄԱՐ ԽԱՂԱՂԱՍԵՐ ՈՒԺԵՐԻ ՊԱՅՔԱՐԻ ՄԱՍԻՆ**

ՍՏՈԿՀՈԼՄ, 24 նոյեմբերի (ՏԱՍՍ).— Խաղաղության Համաշխարհային Խորհրդի սեսիան ընդունեց բանաձև «Զինաթափման համար և մասսայական ոչնչացման զենքի արգելման համար խաղաղասեր ուժերի պայքարի մասին»: Բանաձևում ասվում է.

«Զորս տարի առաջ Ստոկհոլմում հրապարակվեց ատոմային զենքը լիովին արգելելու կոչը:

Այդ կոչի առթիվ բոլոր ժողովուրդների մղած կամպանիան արգելեց ատոմային ուժերի կիրառումը Կորեայում և Հնդկաչինոսում: Ժողովուրդների համառ պայքարը կառավարություններին ստիպեց նաև դադարեցնել պատերազմական գործողությունները Կորեայում և Հնդկաչինոսում:

Սակայն այսօր մենք նորից կանգնած ենք պատերազմի վտանգի առջև, որը բխում է սպառազինությունների մրցավազքի ուժեղացումից և մասսայական ոչնչացման ավելի ու ավելի ավերիչ միջոցների անընդհատ դարձացումից:

Ժողովուրդների կամքը կարող է և պետք է մի անգամ ևս ապահովի այդ վտանգի վերացումը:

Խաղաղության Համաշխարհային Խորհրդը գոհունակությամբ նշում է զինաթափման և ատոմային զենքի արգելման հարցի քննարկման գործում ՄԱԿ-ում ձեռք բերված պրոգրեսը: Նա ընդգծում է, որ այդ արդյունքը ձեռք է բերվել բանակցությունների միջոցով, որ վկայում է կոմպրոմիսի միջոցով համաձայնության հասնելու հնարավորությունը: Հենց այդպիսի մեթոդն էլ Գլխավոր Ասամբլեային հնարավորություն տվեց միաձայն ընդունելու բանաձևը, որը ուղի է բացում այդ պրոբլեմների բուժման համար:

Բայց Արևմտյան Գերմանիան վերադիմելու և նրան Լոնդոնի ու Փարիզի համաձայնագրերի շրջանակներում ռազմական բլոկի մեջ մտցնելու ուղղությամբ արևմտյան տերությունների ձգտումը քայքայում է զինաթափման նպատակին ուղղված ջանքերը և հարվածի տակ է դնում արդեն ձեռք բերված արդյունքները:

Խաղաղության Համաշխարհային Խորհրդը ողջունում է ատոմային էներգիայի խաղաղ օգտագործման վերաբերյալ ներկայումս վարվող բանակցությունները: Միևնույն ժամանակ նա հայտարարում է, որ մարդկությունը միջուկային էներգիան խաղաղ արտադրության համար ի վիճակի կլինի լիովին կիրառելու միայն այն բանից հետո, երբ արգելվի այդ էներգիայի օգտագործումը ռազմական նպատակներով: Նա համոզված է, որ այդ ասպարեզում համաձայնությունը միանգամայն հնարավոր է, ինչպես նաև հնարավոր է բավարար մեխանիզմ ստեղծել խիստ տեսչություն ու վերահսկողություն իրականացնելու համար:

Խաղաղության Համաշխարհային Խորհրդը մեծ տերություններին կոչ է անում կրկնապատկել ջանքերը այժմ քննարկվող առաջարկների հիման վրա այդ կարևոր հարցերի շուրջը անհապաղ համաձայնության հասնելու համար: Քանի այդ նպատակը ձեռք չի բերված, նա պահանջում է, որ մեծ տերությունները անհապաղ համաձայնության հասնեն ատոմային ու ջրածնային ուժերի բոլոր փորձանական պայթեցումները արգելելու շուրջը, որոնք, գիտության ժամանակակից մակարդակի պայմաններում, հեշտությամբ և իսկույն իմացվում են: Նա հաստատակամորեն պահանջում է նաև, որ բոլոր

կառավարությունները առանց բացառության անհապաղ պարտավորություններ ստանձնեն որևէ պատրվակով չգործադրել միջոցառումները:

Այնուամենայնիվ, այդ քայլերը կհանդիսանան միայն առաջին անհետաձգելի միջոցառումները, որոնց իրագործումը ոչ մի չափով չպետք է կասեցնի գլխավոր պրոբլեմի լուծումը, այն է՝ մասսայական ունչացման բոլոր միջոցների՝ ատոմային, բակտերիոլոգիական ու քիմիական միջոցների վերացումը և սպառազինությունների ընդհանուր կրճատումը: Ավելին. այդ միջոցառումները ինքնին մեծ քայլ կլինեն ավելի լայն ու ավելի կարևոր համաձայնության հանապարհին, որը նախատեսի սպառազինությունների ընդհանուր կրճատում, մասսայական ունչացման զենքի արգելում և միջազգային այնպիսի փերաֆակտության սահմանում, ըստ որի բոլոր երկրները պետք է ուղարկվեն տեսչական խմբեր:

Սաղաղության Համաշխարհային Խորհուրդը հաստատակամորեն պահանջում է, որ ընդհանուր ու վերահսկվող զինաթափման շնորհիվ ազատվող բոլոր միջոցներն օդտագործվեն ժողովրդի կենսամակարդակի բարձրացման համար, մասնավորապես, տնտեսապես հետամնաց Կրկրներում:

Նա ամբողջ աշխարհի ժողովուրդներին կոչ է անում ամենուրեք ու միշտ պահանջել սպառազինությունների ընդհանուր կրճատում և մասսայական ունչացման զենքի արգելում: Առանց դրա խաղաղության քաղաքականություն հնարավոր չէ:

Ժողովուրդների կամքը կարող է և պետք է ապահովի այդ նպատակների իրագործումը, եթե ժողովուրդները միավորվեն այդ սրբազան պայքարում և ամենայն վճռականությամբ կառավարություններին ու ՄԱԿ-ին հայտարարեն խաղաղության, փոխըմբռնման և մարդկային համերաշխության իրենց հրակայական ձգտումը:

Ստոկհոլմ, 23 նոյեմբերի 1954 թվականի:

ԽԱՂԱՂԱՍԵՐ ՌԻՇԵՐԻ ՆԵՐԿԱՑԱՑՈՒՑԻՋՆԵՐԻ ՀԱՄԱՇԽԱՐՀԱՅԻՆ ԱՍԱՄԲԼԵԱ ՀՐԱՎԻՐԵԼՈՒ ՄԱՍԻՆ

Ստոկհոլմ, 24 նոյեմբերի (ՏԱՍՍ).—Սաղաղության Համաշխարհային Խորհրդի սեսիան ընդունեց կոչ «Սաղաղասեր ուժերի ներկայացուցիչների Համաշխարհային Ասամբլեա հրավիրելու մասին»: Կոչում ասվում է.

«Ներկայումս, երբ այնպես մեծ են խաղաղության ամրապնդման հնարավորությունները, առաջանում են նոր վտանգներ, որոնք ընդունակ են ի չիք դարձնելու նաև այդ հնարավորությունները:

Միայն հենց ժողովուրդների հզոր շարժումը կարող է արգելք հարուցել աշխարհի պառակտմանը միմյանց հակադիր բլոկների, թույլ չտալ այն բանակների վերածնունդը, որոնք անցյալում արդեն մարդկանց բերեցին այնքան արցունք ու վիշտ, և մարդկությանը փրկել ռազմական ծախսերի ծանր բեռից: Միայն այդ հզոր շարժումը կարող է ապահովել պետությունների համագործակցու-

թյունը հանուն նրանց բարօրության, հանուն նրանց անկախության պահպանման և ընդհանուր անվտանգության:

Սաղաղության Համաշխարհային Խորհուրդը հանդիսավոր կերպով դիմում է բոլոր խաղաղասեր ուժերին, բոլոր տղամարդկանց և կանանց, որոնք ցանկանում են ապրել առանց տառնապի, առանց անվստահության և ատելության՝ ժողովուրդների հարաբերություններում: Նա կոչ է անում նրանց՝ միավորել իրենց ջանքերը, քանի ուշ չէ:

Սաղաղության Խորհուրդը որոշում է ընդունում 1955 թվականի մայիսի երկրորդ կեսին բոլոր խաղաղասեր ուժերի ներկայացուցիչների Համաշխարհային մեծ Ասամբլեա հրավիրելու մասին:

Ստոկհոլմ, 23 նոյեմբերի 1954 թվականի:

ԿՈՒԼՏՈՒՐԱԿԱՆ ՄԵԾ ՏԱՐԵԴԱՐՁՆԵՐԻ ԱՆՑԱՑՄԱՆ ՄԱՍԻՆ

Ստոկհոլմ, 24 նոյեմբերի (ՏԱՍՍ)։— Խաղաղության Համաշխարհային Խորհրդի սեփական դիմել է կուլտուրական մեծ տարեդարձներ անցկացնելու մասին հետևյալ կողմը։

«1955 թվականի ընթացքում ամբողջ աշխարհի ժողովուրդները նշելու են համաշխարհային կուլտուրայի մեծ ներկայացուցիչների հետևյալ տարեդարձները։

Շիլլեր — մահվան 150-ամյակը։

Միցկևիչ — մահվան 100-ամյակը։

Մոնտեսքյու — մահվան 200-ամյակը։

Անտերսեն — ծննդյան 150-ամյակը։

Սերվանտես — «Դոն Կիխոտ»ի առաջին հրատարակության լույս ընծայման 350-ամյակը։

Ուիտմեն — «Խոտի տերևները» գրքի առաջին հրատարակության լույս ընծայման 100-ամյակը։

Կուլտուրական մեծ տարեդարձների անցկացումը ժողովուրդներին կօգնի ապահովելու բարեկամական կապերը՝ անկախ սահմաններից, ավելի լավ ճանաչելու միմյանց և ամրապնդելու խաղաղ համագործակցությունը։

Խաղաղության Համաշխարհային Խորհուրդը դիմում է բոլոր ժողովուրդներին, գրողներին ու նկարիչներին, դիտնականներին, պատմաբաններին, ուսուցիչներին, կուլտուրական և մասսայական բոլոր կազմակերպություններին՝ կոչ անելով մասնակցել կուլտուրական այդ տարեդարձների անցկացմանը։

Ստոկհոլմ, 23 նոյեմբերի 1954 թվականի»։

(Երևան, «ՍՈՎԵՏԱԿԱՆ ՀԱՅԱՍՏԱՆ»
օրաթերթ, 27 նոյեմբերի 1954 թ.)

